

Zbirka medijskih objava

VladaBrckoDistrikta_kliping_dnevno,
za razdoblje 30. 11. 2020

Broj objava: 17

Internet: 4

Televizija: 3

Štampa: 10

Teme praćenja:

Vlada Brčko Distrikta: 1

Gradonačelnik: 0

Skupština Brčko: 2

Brčko: 14

Vlada Brčko Distrikta:

Internet	Naslov	Vlada Brčko distrikta usvojila odluke za stambeno zbrinjavanje boračkih kategorija		
Serijski br. 1	Medij; Doseg	Radiobrcsko.ba; , Bosna i Hercegovina		
	Rubrika, Datum	Ostalo; 27. 11. 2020		
	Autor	Unknown		
	Teme	Vlada Brčko Distrikta		

Skupština Brčko Distrikta:

Internet	Naslov	Kokanović: Neprincipijelna koalicija okupljena oko SNSD-a (VIDEO)		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 27. 11. 2020		
	Autor	Unknown		
	Teme	Skupština Brčko Distrikta		

Internet	Naslov	Lokalni izbori u Brčko distriktu BiH: Pregovori oko formiranja vlasti između nacionalnih blokova		
Serijski br. 2	Medij; Doseg	Otisak.ba; , Bosna i Hercegovina		
	Rubrika, Datum	Ostalo; 27. 11. 2020		
	Autor	Unknown		
	Teme	Skupština Brčko Distrikta		

Brčko:

Štampa	Naslov	Više od 1.200 novozaraženih, preminule 34 osobe		
Serijski br. 1	Medij; Doseg	Dnevni avaz; 50.000, Bosna i Hercegovina	Stranica: 9	Površina: 204 cm ²
	Rubrika, Datum	Teme; 29. 11. 2020		
	Autor	Unknown		
	Teme	Brčko		

Televizija	Naslov	Epidemija u BiH		
Serijski br. 2	Medij; Doseg	Nova BH; , Bosna i Hercegovina	18:30	Trajanje: 1 min
	Rubrika, Datum	Dnevnik NewsMax Adria; 29. 11. 2020		
	Autor	Unknown		
	Teme	Brčko		

Televizija	Naslov	U BiH 664 novozaraženih koronavirusom, 44 novi smrtni slučaj		
Serijski br. 3	Medij; Doseg	Radio Televizija Federacije Bosne i Hercegovine; , Bosna i Hercegovina	23:05	Trajanje: 1 min
	Rubrika, Datum	Dnevnik; 29. 11. 2020		
	Autor	Babić Darjan		
	Teme	Brčko		

Televizija	Naslov	Koronavirus u BiH		
Serijski br. 4	Medij; Doseg	Radio televizija Bosne i Hercegovine; , Bosna i Hercegovina	19:00	Trajanje: 1 min
	Rubrika, Datum	Dnevnik; 29. 11. 2020		
	Autor	Unknown		
	Teme	Brčko		

Štampa	Naslov	Medalje inovatorima		
Serijski br. 5	Medij; Doseg	Dnevni avaz; 50.000, Bosna i Hercegovina	Stranica: 21	Površina: 40 cm ²
	Rubrika, Datum	Ostalo; 30. 11. 2020		
	Autor	Unknown		
	Teme	Brčko		

Internet	Naslov	U FBiH poskupile vakcine protiv gripe, komercijalna upotreba od naredne sedmice		
Serijski br. 6	Medij; Doseg	Klix.ba; 1.158, Bosna i Hercegovina		
	Rubrika, Datum	Ostalo; 30. 11. 2020		
	Autor	N. V.		
	Teme	Brčko		

Štampa	Naslov	PRIVREDNA BANKA SARAJEVO PROŠIRILA SVOJU POSLOVNU MREŽU		
Serijski br. 7	Medij; Doseg	Banke; , Bosna i Hercegovina	Stranica: 40	Površina: 951 cm ²
	Rubrika, Datum	Ostalo; 30. 11. 2020		
	Autor	Unknown		
	Teme	Brčko		

Štampa	Naslov	MALI KOMPOZITORI OSTVARILI VELIKI USPEH		
Serijski br. 8	Medij; Doseg	Euro Blic; , Bosna i Hercegovina	Stranica: 19	Površina: 430 cm ²
	Rubrika, Datum	Kultura ; 30. 11. 2020		
	Autor	Andrea Aleksić		
	Teme	Brčko		

Štampa	Naslov	Неумољиво Јединство		
Serijski br. 9	Medij; Doseg	Glas Srpske; , Bosna i Hercegovina	Stranica: 23	Površina: 19 cm ²
	Rubrika, Datum	Sport; 30. 11. 2020		
	Autor	Unknown		
	Teme	Brčko		

Štampa	Naslov	"Sreća najveća" i "Zemlja čudesa" najbolje dječke pjesme		
Serijski br. 10	Medij; Doseg	Nezavisne novine; , Bosna i Hercegovina	Stranica: 20	Površina: 270 cm ²
	Rubrika, Datum	Kultura; 30. 11. 2020		
	Autor	Jojić David		
	Teme	Brčko		

Štampa	Naslov	Još 32 umrlih u BiH		
Serijski br. 11	Medij; Doseg	Oslobođenje; , Bosna i Hercegovina	Stranica: 8	Površina: 119 cm ²
	Rubrika, Datum	Događaji; 30. 11. 2020		
	Autor	Unknown		
	Teme	Brčko		

Štampa	Naslov	Sloga i Borac i dalje maksimalni		
Serijski br. 12	Medij; Doseg	Oslobođenje; , Bosna i Hercegovina	Stranica: 48	Površina: 274 cm ²
	Rubrika, Datum	Ostalo; 30. 11. 2020		
	Autor	Tajić Jasmin		
	Teme	Brčko		

Štampa	Naslov	Bez dodatnih mjera, naručeno više od 1,2 miliona vakcina		
Serijski br. 13	Medij; Doseg	Poslovne novosti; , Bosna i Hercegovina	Stranica: 8	Površina: 313 cm ²
	Rubrika, Datum	Poslovne novosti; 30. 11. 2020		
	Autor	Unknown		
	Teme	Brčko		

Štampa	Naslov	Film o Srebrenici nije rađen da se upire prstom u nekoga, već da se ne bi ponovilo		
Serijski br. 14	Medij; Doseg	Večernji list; , Bosna i Hercegovina	Stranica: 68	Površina: 806 cm ²
	Rubrika, Datum	Panorama; 30. 11. 2020		
	Autor	Cvitković Oliver		
	Teme	Brčko		

Kokanović: Neprincipijelna koalicija okupljena oko SNSD-a (VIDEO)



Details Created on petak, 27 novembar 2020 15:32 Written by eBrcko Category: Vijesti **Brčko**

Predsjednik Socijalističke partije u **Brčkom** Zoran Kokanović izjavio je danas da potpisani sporazum o „srpskom bloku“ u **Skupštini Brčko distrikta** predstavlja neprincipijelna koalicija koja nema izgleda za duži opstanak. Kokanović je zatražio od SNSD-a da se izbore da Siniša Milić, još jedan mandat bude **gradonačelnik Brčkog**, s obzirom da je to bio SNSD-ov glavni predizborni slogan.

Lokalni izbori u **Brčko** distriktu BiH: Pregovori oko formiranja vlasti između nacionalnih blokova



Nakon današnjeg sastanka u **Skupštini Brčko distrikta BiH** između nacionalnih blokova koji teže ka zajedničkom učešću u vlasti, medijima se obratio predsjednik SNSD-a Đorđa Kojić.

Press konferencija SP-a Vidljive konture nove vlasti (26. novembar) Član Glavnog odbora SNSD-a i **gradonačelnik Brčko distrikta BiH** Siniša Milić telefonskim putem za Otisak o potpisanom sporazumu između predstavnika iz reda srpskog naroda koji ide u smjeru formiranja vlasti:

Zašto je **SP** izostavljen?

Ko će biti novi gradonačelnik?

Koji su prioriteti nove vlasti?

Protesti protiv mjera Kriznog štaba?

Foto: Ustupljeno Otisku

Otisak je kontaktirao Zorana Kokanovića, predsjednik SP-a koji nije dio ovog sporazuma, ali se on nije javljao.

Rezultate Lokalnih izbora u **Brčko** distriktu **BiH** možete pratiti putem web-stranice Centralne izborne komisije **BiH**: https://www.izbori.ba/Rezultati_izbora/?resId=27&langId=1#/9/200/0/0

Novembar 24. Danas su za Otisak.ba o formiranju vlasti govorili predsjednik PDP-a Siniša Golić, kandidat na listi Stranke za **BiH** Mehmedalija Karamujić, predsjednik **US Brčko** Uroš Vojnović i predsjednica SBB-a Ina Pamukčić.

Karamujić je kazao da je i dalje član **SBiH**. Povod za ovaj razgovor je fotografija koju je Damir Bulčević, nosilac liste NiP-a, objavio na Facebooku, na kojoj se Karamujić nalazi u njegovom društvu.

Karamujić ne vidi tu ništa sporno, jer, kako kaže, često se sastaje sa raznim političarima.

On se trenutno bori za drugu poziciju na listi **SBiH**, sa 20 glasova zaostatka u odnosu na Bahriju Ribića.

SBiH ima siguran jedan mandat, a očekuju dva nakon što se prebroje svi glasovi.

Što se tiče formiranja koalicije, Karamujić je rekao da organi Stranke treba da donesu odluku o tome.

Intervju sa predsjednicom SBB-a **Brčko** Inom Pamukčić:

Koliko će na kraju **SBB** imati mandata i ko ulazi u Skupštinu?

Ono što mogu reći jeste da su i dalje nepotvrđeni rezultati CIK-a, koji pokazuju da je **SBB** osvojio oko 2.500 glasova. Za sada imamo dva sigurna mandata. U Skupštinu ulazim ja kao nosilac liste. Ko će osvojiti drugi mandat sad je malo teško procijeniti, jer je trenutno jako mala razlika između drugog mjesta na kojem se nalazi Šemso Saković i trećeg Halila Ljuce. Ne možemo ništa prejudicirati prije nego što **CIK** potvrdi rezultate izbora. To će se desiti onog momenta kada se prebroje glasački listići sa nepotvrđenih mjesta, covid i mobilnih timova i inostranstva.

Kako komentarišete potpisani sporazum između **SDA**, **SBiH** i SDP-a?

Prije nego što odgovorim na ovo pitanje, ja ću opet kratko da ponovim da su prije nekoliko mjeseci upravo na inicijativu nekih ljudi koji su potpisali sam sporazum pokrenuti pregovori oko formiranja bloka, koji nije bio obavezan, osim u onom momentu ako blok osvoji dovoljan broj glasova da pristupi ka formiranju većine. Blok je osvojio dovoljan broj glasova, ali se nije postupilo po dogovoru. Moj komentar generalno na akt potpisan prije nekoliko dana jeste da je to u najmanju ruku iznenađujuće, jer, kao što rekoh, na inicijativu upravo tih ljudi koji su potpisali su trajali ovi dogovori. Zbog čega su oni pristupili ovom potpisivanju meni je teško komentarisati, najbolje je da se postave pitanja tim osobama. Ako ćete me pitati iz kojeg razloga je predsjednik SDP-a potpisao ovaj dokument, ja sam kazala već prije pa mogu ponoviti da je u najmanju ruku nesvakidašnja situacija da se potpiše taj akt, s obzirom na cjelokupnu relaciju SDP-a i **SDA** na državnom nivou. Ali, kao što rekoh, to je njihova odluka i ne želimo da ulazimo u unutarstranačke odnose. Najbolje da oni budu ti koji komentarišu.

Naveli ste u izjavi za pojedine medije da ste imali raniji dogovor oko koalicije. Da li je ta Vaša sama izjava poremetila taj dogovor?

Nije izjava ta koja je poremetila dogovor, potpisničari su ti koji su nešto kazali pa onda porekli.

Da li ste striktno protiv koalicije sa **SDA** s kojom ste činili vlast u mandatu koji je na izmaku? Gdje je puklo između vas?

Nismo striktno protiv koalicije sa **SDA**. Ono što je jako bitno sada u ovom momentu, posebno u vezi problema u kojima se naša država i **Brčko** distrikt nalaze, je imati kompetentnu većinu koja će se znati boriti sa ovim svim problemima koji su ispred nas. Apsolutno nigdje nije puklo niti unutar koalicije sa **SDA** niti bilo koje političke partije. Kao što rekoh, i ponovit ću opet, potrebno je da sačekamo svi rezultate, da vidimo koja politička partija će osvojiti koliko mandata, a tek onda sjesti i razgovarati i shvatiti jako ozbiljno većinu koja će sačinjavati vlast. S druge strane, i jaka opozicija znači dobrog konkurenta u borbi za naše bolje sutra.

Da li pretendirate na funkciju gradonačelnika?

Jako je bitno da Bošnjak bude gradonačelnik. Ko će biti taj koji će predložiti gradonačelnika možda sad u ovom momentu i nije bitno. Bitno je da to bude osoba koja je kompetentna, koja će znati da vodi naš grad i koja će znati predložiti konkretne korake ka rješenju svih ovih problema koji budu pred nama. Ovaj mandat možda će da bude jedan od najtežih.

Kako komentarišete proteste protiv covid-mjera? Kako biste Vi riješili trenutnu krizu?

Treba skupiti intelektualce da se vidi na koji način pomoći ovim ljudima. Sa jedne strane, zabrana rada dovela je vjerovatno do egzistencijalnog pitanja za stotine ljudi, to treba shvatiti jako ozbiljno. Treba vidjeti na koji način pomoći ljudima, pod uslovom da oni budu zatvoreni. Ovaj problem ne može stati samo sa zatvaranjem ugostiteljskih objekata i drugih privrednika, nego treba sjesti i naći način pod hitno kako tim ljudima pomoći, da oni prebrode ovu krizu koja će sigurno trajati čak i duži period.

Predsjednici brčanskih odbora SNSD-a i SP-a, Đorđa Kojić i Zoran Kokanović, kazali su u izjavi za Otisak.ba da ne žele ništa javno govoriti o formiranju vlasti dok traju pregovori.

Otisak je kontaktirao i predsjednika **SBiH** Zijada Nišića, ali je bio nedostupan.

Pregovori oko formiranja vlasti (23. novembar) Danas su za Otisak.ba o formiranju vlasti i drugom aktuelnim temama na političkoj sceni **Brčko** distrikta **BiH** govorili predsjednik **SDA** Esed Kadrić, nosilac liste NiP-a Damir Bulčević i kandidat sa liste Bh. bloka (**SDP** i Naša stranka) Ibrahim Kamenjašević. Predsjednik SDP-a Esad Atić nije želio govoriti za Otisak.

Sutra Otisak.ba planira emitovati izjave i drugih aktera u priči oko formiranja vlasti u ovoj lokalnoj zajednici.

Esad Atić, predsjednik brčanskog SDP-a: Drugovi iz Sarajeva, ne znam šta vam smeta, dvije godine niste došli u **Brčko** (22. novembar)

Mislim da je neozbiljno da se o ovim stvarima raspravlja putem društvenih mreža. Postoje organi, postoji partija i tu se razgovara i dogovara. Mi u **Brčkom** smo potpisali sporazum koji nije koalicioni, nego sporazum o zajedničkom djelovanju da se dođe do koalicije. Tu postoji još najmanje deset političkih subjekata, koji su značajni iz reda srpskog i hrvatskog naroda. Tu su **HDZ**, **SNSD**, Socijalistička partija, **HSP**. Očito da drugovi u Sarajevu ne znaju šta je nadležnost glavnog odbora, a šta opštinske, odnosno disktriktne organizacije. Na današnjoj sjednici disktriktne organizacije donesena je odluka da se ide u taj proces. Naravno, kada se dođe do nivoa eventualnog koalicionog sporazuma, tada ćemo u skladu sa statutom tražiti potrebna odobrenja.

Kampanja je prošla, niko me nije nazvao. Nakon izbora imamo jako loš rezultat. Sveli smo se na jednog poslanika i jedini izlaz je učestvovanje u vlasti koja je po prirodi uvijek blizu koncentraciona. Samo je jednom formirana vlast bez **SDA**. Govorim o lokalnim prilikama i o lokalnim interesima članstva i građana distrikta **Brčko** i to nas upućuje na na ovu saradnju. Znam da su ugašene mnoge organizacije SDP-a u Republici Srpskoj zahvaljujući ponašanju rukovodstva partije iz Sarajeva i izgleda da im je cilj da se ugasi i u **Brčkom**.

Izvor: Faktor.ba

Saopštenje SDP-a BiH Socijaldemokratska partija Bosne i Hercegovine nije potpisala i neće potpisati bilo kakav koalicioni sporazum sa **SDA**.

Našim Statutom, donošenje odluka o koalicijama u nadležnosti je Glavnog odbora **SDP BiH**, tako da nikakav potpis čelnika SDP-ove organizacije u **Brčko** Distriktu ne obavezuje **SDP BiH**.

Doduše, ovakav jednostran akt proizvodi posljedice za onoga ko je mimo odluke organa **SDP** odlučio da krene u jednu takvu avanturu, bez obzira o kome se radi.

Ni u kojem slučaju **SDP** neće pristati na saradnju sa **SDA** i njenim satelitima, jer je **SDA** upravo jedna od najzaslužnijih stranaka za totalnu devastaciju **Brčko** Distrikta, ali i ostatka Bosne i Hercegovine. **SDA** ne može predstavljati nikakvu politiku napretka, bez obzira na izborni rezultat.

Svi, eventualno, slični potezi pojedinaca iz SDP-a će biti sankcionirani od strane organa partije, te nikome neće biti dozvoljeno da se igra sa ugledom **SDP BiH** zbog svojih ličnih interesa.

Saopštenje Gradskog odbora Naše stranke **Brčko** Povodom samovoljnog čina predsjednika SDP-a **Brčko** distrikta **BiH** Esada Atića kojim je mimo dogovora sa koalicionim partnerom Našom strankom, potpisao sporazum o formiranju većine sa **SDA**, **SBiH** i Alijom Denjagićem, želimo obavijestiti javnost o našem dubokom neslaganju i neprihvatanju ovakvog sporazuma.

Mi u Našoj stranci smo protiv koaliranja sa **SDA** kao nacionalnom strankom u kojoj vidimo najvećeg i najodgovornijeg krivca opšteg lošeg stanja u **Brčko** distriktu **BiH**.

Takođe smatramo da je Esad Atić zloupotrijebio funkciju predsjednika SDP-a **Brčko** distrikta **BiH** te na ovaj način načinio nesagledivu štetu SDP-u i ljevici u cjelini u **Brčkom**. Vodeći se ličnim interesima zanemario je osnove na kome smo formirali koaliciju „**BH** Blok – **SDP BiH** i Naša stranka **BiH**“, izigrao povjerenje glasača, građana **Brčko** distrikta **BiH** i naše povjerenje.

Ono što nas ohrabruje je činjenica da ovo nije stav članstva SDP-a i ljudi koji su mjesec dana zajedno sa nama borili se za drugačije i bolje **Brčko**, te da ideja na kojoj smo zasnovali koaliciju će opstati.

Mi u Našoj stranci **Brčko**, bez obzira na sve, ćemo nastaviti raditi na principima na kojima su naše kolege u Sarajevu učinile promjenu od istorijske važnosti za sve građane Bosne i Hercegovine, jer samo tako **Brčko** može postati bolje mjesto za život.

Dogovor oko učešća u novoj vlasti **Brčko** distrikta BiH Zahvalnica SBB-a (19. **novembar**) **SBB** Organizacija za **Brčko** distrikt **BiH** upućuje zahvalnost svim biračima koji su na proteklom Lokalnim izborima svoj glas dali kandidatima Saveza za bolju budućnost.

Poštovane građanke i građani **Brčko** distrikta, hvala Vam sto ste glasali po svojoj svijesti i savjesti. Hvala Vam na glasovima koji su odraz slobodnog razmišljanja i istinske želje za promjenom jer niste podlegli kupovini glasova, ucjenama i lažnim obećanjima. Hvala Vam što ste glasali kao slobodni ljudi za listu čestitih i principijelnih kandidata **SBB**. Mi ćemo ukazano povjerenje opravdati sa istinskim zalaganjem za bolji život svakog stanovnika **Brčko** distrikta. Bez

<https://www.otisak.ba/lokalni-izbori-u-brcko-distr...>

4 / 4

obzira kako će teći postizborni proces formiranja nove vlasti u **Brčko** distriktu **BiH, SBB** će ostati dosljedan svojim principima i borbi za bolju budućnost uz insistiranje za uvođenjem više odgovornosti u politiku. Građani **Brčko** distrikta **BiH** zaslužuju bolji život jer ste Vi birali bolje **Brčko**.

Saopštenje Ćazima Dačaja (18. novembar) Ćazim Dačaj, kandidat na Lokalnim izborima u **Brčko** distriktu **BiH** ispred albanske nacionalne manjine uputio je saopštenje za javnost.

Obavještavam i saopštavam javnost zbog toga što postoje veliki, osnovani i mnogi razlozi da se ponovi brojanje u **Brčko** Distriktu.

Prvi razlog za ponavljanje brojanja su događaji prije izbora gdje su pokušane pripreme za kupovinu i krađu glasova zbog čega je osumnjičeno 10 lica a 9 ih je zatvoreno.

Drugi razlog za ponavljanje brojanja je taj što se 15.11.2020. za vrijeme Izbora desilo nekoliko incidenata zbog pokušaja kupovine i krađe Izboru gdje je intervenisala i policija.

Treći razlog je izjava od strane predsjednice Izborne komisije gospođe Mrkonjić da postoje velike matematičke nelogičnosti kod upoređivanja broja onih koji su glasali, a njih je preko 37.000 i broja glasačkih listića kojih ima nešto više od 24.000. Dakle, o čemu bi mogla biti riječ vezano za ove matematičke nelogičnosti kod sređivanja izbornih rezultata. Ili su izvještaji sa biračkih mjesta falsifikovani ili su vreće sa glasačkim listićima ubacivane i mijenjane.

Ja kao predstavnik Albanske nacionalne manjine izražavam zabrinutost i sumnju u regularnost izbornog procesa, zbog informacije koju je na jučerašnjoj pres konferenciji iznijela Izborna komisija. Zato smatram i tražim da brojanje glasačkih listića se ponovi i da to bude sprovedeno od strane OSCE-a i OHR-a, jer su članovi Izborne komisije postavljeni od strane stranaka koje krađu izbore i volju naroda. Tako tvrdim da bi ponovljeno brojanje bilo mnogo pravednije, jer ne bi postojala više mogućnost kupovine glasova, zato što oni koji su kupovali i plaćali glasove sve su pare već potrošili i nemaju više para da ponovo kupuju i plaćaju glasove. Ja se nadam da će Izbori biti poništeni.

Preliminarni i nepotpuni rezultati (17. novembar)

Predsjednica Izborne komisije **Brčko** distrikta **BiH** Andrea Štrkalj Mrkonjić je saopštila preliminarne i nepotpune rezultate Lokalnih izbora nakon 24.174 prebrojana važeća glasa.

Vlada Brčko distrikta usvojila odluke za stambeno zbrinjavanje boračkih kategorija - Radio Brčko distrikta BiH

Vlada Brčko distrikta BiH je na današnjoj 128. vanrednoj sjednici usvojila više odluka iz oblasti boračko invalidske zaštite u dijelu koji se odnosi na pomoć kod stambenog zbrinjavanja određenih boračkih kategorija i njihovih porodica. Za ove namjene je iz budžeta Brčko distrikta izdvojeno 1,2 miliona KM.



Članovi Vlade su usvojili Prijedlog odluke o utvrđivanju kriterija za dodjelu jednokratne novčane pomoći u stambenom zbrinjavanju porodica poginulog borca, ratnog vojnog invalida i člana porodice ratnog vojnog invalida u Brčko distriktu BiH i Prijedlog odluke o utvrđivanju kriterija za dodjelu jednokratne novčane pomoći u stambenom zbrinjavanju demobilisanom borcu i članu porodice umrlog demobilisanog borca u Brčko distriktu BiH.

Šef Odjeljenja za zdravstvo i ostale usluge Vlade Brčko distrikta BiH Akif Pezerović kazao je da je za obje kategorije izdvojeno po 600.000 KM.

„U okviru svake od ovih kategorija postoje i tri potkategorije i riječ je o doznaci jednakih sredstava u iznosu od po 200.000 KM za udruženja proistekla iz prošlog rata (Armija RBiH, HVO i Vojska RS)“, kazao je Pezerović.

On je naglasio da su usvojenim odlukama utvrđeni i kriteriji za izbor korisnika prava što, kako je kazao, podrazumijeva pomoć u rješavanju stambenog pitanja u smislu nove gradnje, nadogradnje, sanacije i završetka gradnje stambenog objekta na području **Brčko** distrikta BiH.

„Ove odluke nisu ništa novo u odnosu na prošlu i prethodnu godinu. Kada je u pitanju prva odluka ona se odnosi na jednokratnu novčanu pomoć u slučaju potpune nove izgradnje stambenog objekta u maksimalnom iznosu do 33.000 KM po korisniku. Sredstva za pomoć za nadogradnju, sanaciju ili završetak gradnje stambenog objekta dodjeljuju se do iznosa potrebnog za postizanje potpunog stambenog zbrinjavanja, a prioritet za dodjelu pomoći imaju podnosioci zahtjeva koji nikada nisu koristili sredstva za stambeno zbrinjavanje. Kada je u pitanju druga usvojena odluka za potrebe nove gradnje stambenog objekta predviđen maksimalni iznos je do 15.000 KM po korisniku, dok je za pomoć za nadogradnju, sanaciju ili završetak gradnje stambenog objekta predviđeno maksimalno 10.000 KM po jednom korisniku“, istakao je Pezerović dodajući da je obaveza svih lica koja budu dobila sredstva da u roku od devet mjeseci od dana doznake na njihov tekući račun utroše sredstva u svrhu za koju su i dobili, te da u roku od 30 dana izvijeste Odjeljenje za zdravstvo i ostale usluge o tom utrošku.

On je naglasio da je zbog epidemiološke situacije na području Distrikta predloženo da se operativni dio na terenu odgodi do proljeća, a da se sredstva rezervišu s datumom 31. 12. 2020. godine.

„Također, mi ćemo u toku dana objaviti i javni poziv koji će biti istaknut na oglasnoj ploči zgrade Vlade, u prostorijama Odjeljenja za raseljena lica, izbjeglice i stambena pitanja kao i udruženja proisteklih iz prošlog rata“, kazao je Pezerović.



Podaci zdravstvenih institucija

Više od 1.200 novoizaraženih, preminule 34 osobe

Zavodu za javno zdravstvo Federacije BiH prijavljeno je 2.196 uzoraka, od kojih je 865 pozitivno na virus

Prema podacima zdravstvenih institucija, u BiH je jučer do 12 sati potvrđeno još 1.279 novoizaraženih koronavirusom, dok su preminule 34 osobe. U Federaciji BiH potvrđeno je više od 840 novih slučajeva zaraze i 14 preminulih. U Republici Srpskoj je 369 novoizaraženih i 18 smrtnih ishoda, a u Brčko Distriktu 45 pozitivnih na koronavirus, dok su dvije osobe

preminule.

Zavodu za javno zdravstvo Federacije BiH prijavljeno je 2.196 uzoraka, od kojih je 865 pozitivno na virus.

Novi slučajevi registrirani su u svim kantonima u Federaciji BiH. Do sada je testirano ukupno 274.412 uzoraka, a virus je potvrđen kod 55.171 osobe. Ukupno u Federaciji BiH izliječena su 36.082 pacijenta, a u protekla 24 sata oporavak je zabilježen




Novi slučajevi registrirani su u svim kantonima u Federaciji BiH

kod 896 pacijenata. Trenutno su aktivna 17.594 slučaja.

U protekla 24 sata Zavodu za javno zdravstvo Federacije BiH prijavljeno je 14 novih smrtnih ishoda.

U Brčko Distriktu registrirano je 45 novih slučajeva zaraze koronavirusom, a testirano je 115 uzoraka. Preminule su dvije osobe, a petoro je oporavljenih.

Epidemija u BiH



Država: Bosna i Hercegovina

Doseg:


Indeks

Trajanje: 01:00


(pogledaj)

1 / 1

U BiH 664 novoizaraženih koronavirusom, 44 novi smrtni slučaj



Koronavirus u BiH





Bijeljina

Medalje inovatorima

► Bijeljinski inovatori, okupljeni u Udruženje inovatora regije Bijeljina, osvojili su četiri medalje na nedavno održanom Međunarodnom festivalu inovacija, znanja i stvaralaštva „Tesla fest“ u Novom Sadu.

Učenik prvog razreda Tehničke škole „Mihajlo Pupin“ Marko Jovanović predstavio je na Tesla festu tri rada, 3D štampač, CNC operativni centar i LED kocku, te je za svaki rad osvojio zlatnu medalju.

Spasoje Simikić iz Brčkog osvojio je zlatnu medalju za ručnu vodenu protupožarnu loptu koja gasi požar bez fizičkog oštećenja predmeta.



U FBiH poskupile vakcine protiv gripe, komercijalna upotreba od naredne sedmice

U Republici Srpskoj je početkom ove sedmice počela vakcinacija protiv sezonske gripe. U Federaciji Bosne i Hercegovine je trebalo da počne sredinom novembra, međutim još uvijek se čeka na komercijalne vakcine.

U Republici Srpskoj je početkom ove sedmice počela vakcinacija protiv sezonske gripe. U Federaciji Bosne i Hercegovine je trebalo da počne sredinom novembra, međutim još uvijek se čeka na komercijalne vakcine.

Nabavka vakcina protiv sezonske gripe je u nadležnosti kantona, a nabavljaju se u skladu sa potrebama i mogućnostima. Nabavljač je ove godine kao i prethodnih kompanija Pharma Maac.

Iz ove kompanije su nam kazali da im je stigao prvi kontigent koji su podijelili zdravstvenim ustanovama i u nekoliko apoteka, a da bi sljedeća isporuka trebalo da stigne u narednoj sedmici. Inače, preporučuje se da je najbolje vrijeme za vakcinisanje protiv gripe upravo novembar.

Službeno još uvijek nisu odgovorili na pitanje o cijeni i tačnoj količini vakcine koja je stigla, no iz Javne ustanove Apoteke Sarajevo su nam kazali da imaju nekoliko vakcina i da je njihova cijena 24,20KM. Prošle godine ove vakcine su koštale 22KM.

Zavod zdravstvenog osiguranja Kantona Sarajevo je nabavio 9.400 vakcina protiv sezonske gripe, a zbog potražnje na tržištu došlo je do poskupljenja vakcina u odnosu na prošlogodišnje cijene za otprilike 25 posto, rekli su iz Zavoda.

Svake godine, kantonalni zavodi za javno zdravstvo nabavljaju između 30.000 i 40.000 doza vakcina protiv sezonske gripe, a ove godine je zbog epidemiološke situacije i Zavod za javno zdravstvo Federacije BiH naručio dodatne doze za vakcinaciju zdravstvenih radnika.

Vakcina koja će biti dostupna stanovništvu Federacije BiH je VaxigripTetra, proizvođača Sanofi Pasteur, Francuska.

U Republici Srpskoj je nabavljeno 20.000 besplatnih doza i 5.000 za komercijalnu upotrebu, a cijena im je 26KM. U **Brčko** distriktu je cijena vakcine 25KM i moguće je vakcinisati se već sedam dana.

Prioritet u vakcinisanju su svakako rizične skupine, odnosno osobe starije od 65 godina, hronični bolesnici i zdravstveni

radnici i to su skupine stanovništva koje imaju pravo na besplatnu vakcinu.



PRIVREDNA BANKA SARAJEVO PROŠIRILA SVOJU POSLOVNU MREŽU

Privredna banka Sarajevo d.d. Sarajevo nakon spajanja sa BOR bankom 2016. godine napravila je pravi preokret u svom poslovanju. Prošle godine imala je zavidne rezultate poslovanja: aktivu od 545 mil KM, ukupni depoziti dostigli su 445 mil KM, konstantan rast broja klijenata, do-

biti od 3,5 mil KM i modernizaciju svih prodajnih mjesta uz značajno bolji kvalitet pruženih usluga.

U ovoj godini banka radi dodatno unaprijeđenje svog poslovanja kroz povoljne kamatne stope i cijene bankarskih usluga, posebnu podršku klijentima za rad u uslovima pandemije, kao i dodatno proširenje poslovne mreže.

Nakon otvaranja druge poslovne u Mostaru 17. augusta 2020. godine, kao i prošle godine u Visokom, mreža je proširena za čak dvije poslovne jedinice isti dan, jedna je otvorena u Jablanici na adresi Darivalaca krvi bb, a druga na Ilidži u ulici Ustanička bb.

Nastojanja Privredne banke Sarajevo su da u ovim izazovnim vremenima nastavi sa približavanjem svojih usluga i proizvoda korisnicima kojima je možda više nego ikad potrebna podrška i dobra saradnja u ovom segmentu. Nove poslovne jedinice nudit će sve usluge Privredne banke Sarajevo po vrlo povoljnim uslovima, ljubaznom osoblju u izuzetno dobrom ambijentu.

„Otvaranjem tri poslovne jedinice u ovim izazovnim vremenima šaljem snažnu poruku i pokazujemo opredijeljenost za širenje naših poslovnih aktivnosti u ovim dijelovima FBiH. Nakon što smo u augustu otvorili drugu poslovnicu u Mostaru, pokazujemo da smo jedna od rijetkih komercijalnih finansijskih institucija koja se

u vremenu pandemije odlučila za širenje poslovne mreže. Kroz široku paletu proizvoda za stanovništvo i privredu, visok kvalitet usluga te brzinu poslovnih procesa, čvrsto vjerujemo da ćemo u narednom periodu izgraditi veliki broj kvalitetnih poslovnih odnosa“, rekao je Kemal Džabija, član Uprave.

„U vrijeme globalne pandemije uzrokovane koronavirusom te cjelokupne ekonomske stagnacije, potrebno je da se ukaže na važnost domaćih brendova. Banke su bile i ostale okosnice privrednog razvoja svake zemlje. Privredna banka Sarajevo d.d. Sarajevo kao banka sa najdužom tradicijom u BiH prepoznala je potrebe tržišta te u najizazovnijim vremenima

otvorila vrata svoje nove podružnice u Mostaru. Podružnica Mostar je opremljena najsavremenijom bankarskom opremom i tehnologijama koje će sigurno zadovoljiti očekivanja i najzahtjevnijih klijenata. Klijentima su na raspolaganju proizvodi i usluge iz segmenta poslovanja sa fizičkim i pravnim licima sada već na dvije lokacije u gradu na Neretvi. Također, otvorena je treća podružnica na području Hercegovine, četvrta podružnica na području Kantona Sarajevo. Istinski smo sretni što smo u ovim teškim vremenima otvorili i 18 radnih mjesta kroz tri nove podružnice, čime će mreža Banke dosegnuti broj od 17 podružnica na području FBiH i Brčko Distrikta“, poručila je Aida Turković, voditeljica Podružnice Mostar.

Privredna banka Sarajevo ima dugu tradiciju izgrađenog povjerenja sa svojim klijentima te u tom smjeru nastavljamo raditi i dalje kako bismo naše usluge unaprijedili i prilagodili potrebama svih klijenata. Kao domaća banka nudimo kvalitetna i brza finansijska rješenja za sve potrebe kako stanovništva tako i pravnih lica.

Podružnice Privredne banke Sarajevo trenutno se nalaze na 17 lokacija u Federaciji BiH i Brčko Distriktu.

Više informacija možete saznati na www.pbs.ba ili u podružnicama Privredne banke Sarajevo.

Vaša Privredna banka Sarajevo

Banke

Država: Bosna i Hercegovina

Doseg:

Stranica: 40



Površina: 951 cm²

30.11.2020

ponedjeljak

[Indeks](#)

2 / 2





Održan 14. festival dečjeg muzičkog stvaralaštva MALI KOMPOZITORI OSTVARILI VELIKI USPEH

Na 14. festivalu dečjeg muzičkog stvaralaštva „Mali kompozitor – Banjaluka 2020“ prvu nagradu su ravnopravno podelile kompozicije „Sreća najveća“ u izvođenju Nikoline Čakalj iz Gradiške i „Zemlja čudesna“ u izvođenju Tare Lukić iz Brčkog.

ANDREA ALEKSIĆ

Prema već ustaljenoj tradiciji, festival „Mali kompozitor“ je i ove godine održan povodom 20. novembra Međunarodnog dana deteta u Koncertnoj dvorani Banskog dvora u Banjaluci.

Prvu nagradu za interpretaciju ravnopravno dele Norah Agić iz Sarajeva koja je izvela pesmu „U ljubavi je spas“ i Nikolina Čakalj iz Gradiške koja je izvela pesmu „Sreća najveća“.

Uprkos velikim organizacionim izazovima koje je prozročila pandemija virusa korona, Direkcija festivala je uspela u skoro nemogućoj misiji i uz primenu svih propisanih mera i preporuka održala još jedan festival „Mali kompozitor“. Ovaj festival je svojim četrnaestim izdanjem u potpunosti opravdao epitet jedinstvene kulturno-obrazovne manifestacija koja usko povezuje prosvetu i kulturu i veoma je značajna sa aspekta vaninstitucionalnog obrazovanja dece i omladine.

– „Mali kompozitor“ se



FESTIVAL U KOJEM SU DECA U GLAVNIM ULOGAMA

godinama bavi i specifičnim oblicima inkluzije dece i njihovih porodica, te sa ponosom ističemo da je UNICEF i ove godine bio partner našeg festivala. Tema ovogodišnjeg festivala bila je „Mir za celi svet“. Kroz ovogodišnji festivalski program podsetili smo se da je pre 25 godina potpisan Dejtonski mirovni sporazum kojim je obezbeđen mir za sve građane Bosne i Hercegovine. Svi zajedno smo poslali poruku da su mir, zajedništvo, tolerancija i saradnja najvažniji za naš predak čovečanstva – rekla je Sanela Babić, izvršni pro-

RADOST MALIH UMETNIKA

Svoja iskustva i radost sa festivala sa nama je podelila nagrađena Norah Agić iz Sarajeva.

– Sretna sam što sam dobila priliku da učestvujem na ovogodišnjem festivalu. Ovo mi je drugi festival u životu, a oba su bila u Banjaluci. Mnogo sam se radovala nastupu i upoznavanju sa drugim učenicima. Veoma volim scenu pa sam se sa radošću pripremala za nastup – rekla je Norah Agić. Prema rečima njene mame, s obzirom na epidemiološke mere, deca nisu imala priliku da se puno druže i to je Norah mnogo falilo.

– Norah je oduševljena nagradom. Organizacija Festivala kao i osoblje koje je sa nama bilo u kontaktu je vrlo profesionalno i baš su se svi trudili da nam bude lepo – rekla je Belma Ljuta Agić.

ducent festivala.

U centralnoj festivalskoj večeri se našlo 15 kompozicija talentovanih malih kompozitora, tekstopisaca i izvođača iz čitave BiH. Kao jedini festival za decu sa uporištem u zvaničnom Nastavnom planu i programu za osnovnu školu, „Mali kompozitor“ je i ove godine ostvaren zahvaljujući saradnji više od četrdeset muzičkih pedagoga, što mu daje poseban pedagoško-edukativni karakter i specifičan stručni dignitet i kredibilitet.

– U organizaciji udruženja „Art puls“, festival „Mali kompozitor“ je u proteklih

četrnaest godina prepoznao preko dve stotine talentovane dece iz čitave BiH, omogućivši punu afirmaciju njihovih muzičkih i literarnih kreacija, te rad sa najboljim muzičkim pedagogima regiona. Osnovni cilj festivala je afirmacija samostalnog dečjeg i literarnog stvaralaštva, te motivacija i podsticanje dece na dalji rad – objasnio je Mladen Matović, direktor festivala.

Nagradu za tri najbolje pesme odlučile su ocene dečjeg žirija koji su činili prošlogodišnja festivalska pobednica Marija Tomić iz Lopara, Dejan Kesić iz Mrkonjić Grada i Teodora Barac iz Banjaluke.





Одбојкашице Неумољиво Јединство

БРЧКО - Одбојкашице Бимал Јединства и даље имају максималан учинак у Премијер лиги БиХ, пошто су у деветом колу савладале Горажде са максималних 3:0 (25:16, 25:16, 25:15). У осталим сусретима овог кола постигнути су следећи резултати: Кула Градачац - Смеч 3:0, Бањалука волеј - Јахорина 3:0, Мостар - Гацко 0:3, Игман - Слобода 3:0. Одгођени меч седмог кола: Бањалука волеј - Слобода 3:0. Пласман: Бимал Јединство 27 бодова, Гацко 21 (меч мање), Бањалука волеј 21 (меч мање), Мостар 15 (меч мање), Игман 13...



ODRŽAN 14. FESTIVAL DJEČJEG MUZIČKOG STVARALAŠTVA "MALI KOMPOZITOR - BANJALUKA 2020"



Osnovni cilj festivala je afirmacija samostalnog dječjeg i literarnog stvaralaštva, te motivacija i podsticanje djece na dalji rad, istakao Mladen Matović, direktor festivala

David JOJIĆ
davidj@nezavisne.com

Na završenom 14. festivalu dječjeg muzičkog stvaralaštva "Mali kompozitor - Banjaluka 2020" prvu nagradu su ravno pravo podijelile kompozicije "Sreća najveća" u izvođenju Nikoline Čakalji iz Gradiške i "Zemlja čudesna" u izvođenju Tare Lukić iz Brčkog.

Nakon zbrajanja glasova dječjeg žirija i publike ove dvije kompozicije su imale identičan broj bodova, a centralne festivalske večeri izvedeno je 15 kompozicija talentovanih malih kompozitora, tekstopisaca i izvođača iz čitave BiH.

Kao jedini festival za djecu sa uporištem u zvaničnom nastavnom planu i programu za osnovnu školu, "Mali kompozitor" je i ove godine ostvaren zahvaljujući saradnji više od četrdeset muzičkih pedagoga (univerzitetskih profesora, profesora srednjih i osnovnih muzičkih škola i velikog broja nastavnika muzičke kulture), što mu daje poseban pedagoško-edukativni karakter i specifičan stručni dignitet i



kredibilitet.

"U organizaciji udruženja 'Art puls', festival "Mali kompozitor" je u proteklih 14 godina prepoznao preko dvije stotine talentovane djece iz čitave BiH, omogućivši punu afirmaciju njihovih muzičkih i literarnih kreacija, te rad s najboljim muzičkim pedagogima regiona. Osnovni cilj festivala je afir-

cija

samostalnog dječjeg i literarnog stvaralaštva, te motivacija i podsticanje djece na dalji rad", istakao je Mladen Matović, direktor festivala.

Nagradu za tri najbolje pjesme odlučile su ocjene dječjeg žirija, koji su činili prošlogodišnja festivalska pobjednica Marija Tomić iz Lopara, Dejan Kesić iz Mrkonjić Grada i Teodora Ba-

rac iz Banjaluke.

"Svima je već dobro poznato da se 'Mali kompozitor' već godinama bavi i specifičnim oblicima inkluzije djece i njihovih porodica, te s ponosom ističemo da je UNICEF i ove godine bio partner našeg festivala. Tema ovogodišnjeg festivala bila je 'Mir za cijeli svijet'. Kroz ovogodišnji festivalski program podsjetili smo se da je prije 25 godina potpisan Dejtonski mirovni sporazum, kojim

CENTRALNE FESTIVALSKJE VEČERI IZVEDENO 15 KOMPOZICIJA MALIH KOMPOZITORA

je obezbijeden mir za sve građane Bosne i Hercegovine. Svi zajedno smo poslali poruku da su mir, zajedništvo, tolerancija i saradnja najvažniji za napredak čovječanstva", rekla je Sanela Babić, izvršni producent festivala.

Prema već ustaljenoj tradiciji, festival "Mali kompozitor" je i ove godine održan povodom 20. novembra, Međunarodnog dana djeteta, u Koncertnoj dvorani Banskog dvora u Banjaluci.

Uprkos velikim organizacionim izazovima koje je prouzrokovala pandemija virusa korona, Direkcija festivala je u uspjele uz primjenu svih propisanih mjera i preporuka održati kontinuitet održavanja festivala "Mali kompozitor", koji je svojim 14. izdanjem u potpunosti opravdao epitet jedinstvene kulturno-obrazovne manifestacije koja usko povezuje prosvjetu i kulturu i veoma je značajna sa aspekta vaninstitucionalnog obrazovanja djece i omladine.



Još 32 umrlih u BiH

Prema podacima koji su objavljeni jučer u podne, u posljednja 24 sata u BiH su, bez podataka iz Brčkog, potvrđena 1.234 nova slučaja zaraze koronavirusom te 32 smrtna slučaja. Zavodu za javno zdravstvo FBiH, prenosu Anadolija, prijavljeno je 2.196 uzoraka, od kojih je 865 pozitivnih, a novi slučajevi registrirani su u svim kantonima.

U protekla 24 sata oporavilo se 896 pacijenata i aktivna su bila 17.594 slučaja. Tokom tog perioda u Federaciji je zabilježeno 14 novih smrti.

Od posljednjeg izvještaja o epidemiološkoj situaciji u Republici Srpskoj testirana su 992 uzorka, a zaraza je potvrđena kod 369 stanovnika. U posljednja 24 sata Instituta za javno zdravstvo RS-a prijavljeno je 18 smrtnih slučajeva.

Ukupan broj hospitalizovanih u RS-u je 1.192, u Univerzitetском kliničkom centru RS-a 451, a u opštim bolnicama 741. Pod zdravstvenim nadzorom je u RS-u trenutno 12.661 osoba, a nadzor je završen kod 93.258 osoba, saopćeno je iz JZU Institut za javno zdravlje Republike Srpske.



U Federaciji su trenutno 17.594 oboljela / D'D'D'



Sloga i Borac i dalje maksimalni

Dobojski i banjalučki rukometaši stigli su do desete pobjede, a obje ekipe odigrale su po toliko mečeva

Piše: JASMIN TAJIĆ

Dobojska Sloga i banjalučki Borac još nisu osjetili okus poraza ove sezone u Premijer ligi BiH za rukometaše. Dobojlje su u Trebinju nadigrale Leotar rezultatom 30:24. Do 12. minute igralo se gol za gol, ekipe su bile u egalu, rezultat je glasio 6:6. A zatim Sloga pravi seriju 5:0 i vodi 11:6.

Dodali gas

Od tog trenutka Dobojlje su sve konce igre držale u svojim rukama. Leotaru više nisu dozvolili da ih ugrozi. Na odmor Dobojlje odlaze s vođstvom 15:13. U nastavku je Sloga čuvala prednost i stigla do zaslužene pobjede. Najefikasniji u pobjedničkom taboru bila su krila Vladan Đurđević i Marko Perović s po sedam golova. Kod domaćina je iskusan Ajdin Bukva postigao šest pogodaka.

I Borac je do desete pobjede stigao u gostima, a Banjalučani su pobijedili Lokomotivu u Brčkom s 33:23. Borac m:tel je poslije trideset minuta bio u prednosti od tri gola (10:13) da bi u nastavku dodao gas



Sloga igra sezonu iz snova

i peti put u sezoni jednog od rivala savladao dvocifrenom razlikom. Najefikasniji je sa sedam golova bio Aleksandar Milićević, šest je postigao Nemanja Vučićević, a pet Milan

Dakić. Kod domaćih briljirao je Goran Šarenac s deset pogodaka.

Velika drama viđena je u Ljubuškom, gdje je Izviđač pobijedio Slogu iz Gornjeg Vakufa/Uskoplja sa

16:15. Imali su gosti šansu za remi, ali je nakon isteka 60 minuta Matej Mandić odbranio penal Ameru Dediću i bodovi su ostali u Ljubuškom. Jozinović je bio najefikasniji kod skauta s pet golova, a Uljarević je postigao šest za Slogu.

Rezultati 11. kola Premijer lige BiH za rukometaše: Slavija - Konjuh 20:31, Vogošća - Bosna Vispak 29:26, Gračanica - Iskra 34:25, Derventa - Krivaja 23:37, Maglaj - Sloboda 28:26, Leotar - Sloga (Doboj) 24:30, Lokomotiva - Borac m:tel 23:33, Izviđač - Sloga (GV/U) 16:15.

Poredak: Borac 20 bodova (-1), Sloga 20 (-1), Izviđač 18, Krivaja 13,

Matej Mandić odbranio je sedmerac Ameru Dediću nakon isteka 60 minuta i tako sačuvao pobjedu Izviđača

Sloboda 12 (-1), Gračanica 12 (-1), Vogošća 11 (-1), Konjuh 10 (-1), Lokomotiva 9 (-2), Maglaj 8, Leotar 7 (-2), Sloga (GV/U) 6 (-3), Iskra 4 (-1), Bosna Vispak 2 (-3), Slavija 2 (-3), Derventa 2.

Derbi u Banjoj Luci

Parovi 12. kola: Konjuh - Sloga (GV/U), Borac - Izviđač, Sloga (Doboj) - Lokomotiva, Sloboda - Leotar, Krivaja - Maglaj, Iskra - Derventa, Bosna - Gračanica, Slavija - Vogošća.



PREDSTAVNICI VLASTI O EPIDEMIOLOŠKOJ SITUACIJI

Bez dodatnih mjera, naručeno više od 1,2 miliona vakcina

Tegeltija je rekao da je epidemiološka situacija takva da su postojeće mjere dovoljne da pandemija bude održana pod kontrolom

Predsjedavajući Vijeća ministara Bosne i Hercegovine (BiH) Zoran Tegeltija izjavio je u petak u Doboju da u BiH neće biti dodatnih mjera kojima bi bilo ograničeno kretanje i zabranjen rad privrednih subjekata, te da je dosad naručeno 1,23 miliona vakcina protiv virusa korona.

Sa premijerima entiteta i predstavnikom Brčko Distrikta BiH Tegeltija je na sastanku razgovarao o trenutnoj epidemiološkoj situaciji u BiH. Tegeltija je rekao da je epidemiološka situacija takva da su postojeće mjere dovoljne da pandemija bude održana pod kontrolom. Testirano je više od 411.000 građana, njih 85.000 je bilo pozitivno, a nešto više od 50.000 građana BiH se oporavilo. U posljednje dvije sedmice evidentna je stabilizacija broja zaraženih virusom korona, kazao je Tegeltija, te izrazio zahvalnost građanima što su odgovornim ponašanjem tome doprinijeli.

"Najveća zahvalnost svim zdravstvenim radnicima za ono što rade u posljednjih devet mjeseci. Naš zdravstveni sektor je pod velikim pritiskom zbog broja oboljelih, ali zbog sposobnosti radnika i dobre organizacije da se prilagode ovoj situaciji, sektor je spreman još uvijek da prihvati sve one kojima je potrebna adekvatna zdravstvena njega. Potrebna im je dodatna finansijska podrška i kadrovski potencijali svih radnika koji nisu uposleni u zdravstvenom sektoru, a mogli bi biti", kazao je Tegeltija.

Na sastanku su konstatovali da su epidemiološke mjere u BiH stabilne, dugoročne i predvidive, te da su na duži vremenski peri-



Sa sastanka

od dale dobre rezultate.

Prema njegovim riječima, broj mjera koji stoji na raspolaganju BiH i svim zemaljama na svijetu je ograničen.

"Mnoge mjere proteklih dana su nepopularne, ali za uspjeh ovog stanja kod nas zaslužno je efikasno provođenje mjera i najbolji partneri, građani, koji se u najvećoj mjeri pridržavaju mjera", dodao je Tegeltija, te naglasio da ministarstva unutrašnjih poslova i inspeksijski organi moraju vršiti oštrije kontrole i kažnjavati one koji se ne pridržavaju mjera.

Tegeltija je naglasio da je naručeno 1.230.000 vakcina protiv virusa korona, a procjena je da će biti u zemlji do kraja prvog kvartala 2021. Dodao je da je BiH sposobna i spremna to platiti i uraditi sve što je potrebno u vezi toga.

Federalni premijer Fadil Novalić naveo je da se vaccine nabavljaju u okviru Covax programa.

"To je jedan širokopojasni program svih zemalja Evrope i svijeta i već je poznato da je vakcina 10,7 dolara. Primjenjene su metode da sve zemlje imaju ravnopravan

pristup vakcinama za 20 posto stanovništva", dodao je Novalić.

Premijer Republike Srpske Radovan Višković je kazao da je BiH nabavila ogromnu količinu zaštitne opreme vezano za COVID-19.

"Među prvima u regionu smo doveli naš zdravstveni sistem u poziciju da nijednog momenta niko kome je trebala bilo koja vrsta pomoći od lijekova, tehničke i zaštitne opreme i drugo nije uskraćen. U BiH skoro da takav nedostatak nije postojao", naveo je Višković.

U entitetskim budžetima su, kako je kazao, već rezervisana sredstva za nabavku vaccine.

"Avansom smo već platili 20 posto. Kompletan količina vakcina koja je planirana za 20 posto građana BiH košta oko 13 miliona dolara, odnosno oko 20 miliona KM. Od toga je četiri miliona dolara za Republiku Srpsku, nešto više od sedam miliona za Federaciju BiH i ostatak je za Brčko Distrikt", dodao je Višković.

Sastanku su, među ostalim, prisustvovali i ministar zdravlja i socijalne zaštite Republike Srpske Alen Šeranić i pomoćnik ministra zdravlja Federacije BiH Goran Čerkez.



Jelena Kordić Kuret, istaknuta kazališna i filmska glumica, u intervjuu govori o filmu "Quo Vadis, Aida?" i kazalištu u doba pandemije korone

Film o Srebrenici nije rađen da se upire prstom u nekoga, već da se ne bi ponovilo

Oliver Cvitković

Film "Quo Vadis, Aida?" redateljice i scenaristice Jasmile Žbanić, od 3. prosinca u 20 sati bit će dostupan za gledatelje u BiH i regiji na online platformi (Ondemand.kinomeetingpoint.ba). Film koji govori o srebreničkoj tragediji imao je svjetsku premijeru na Venecijanskom filmskom festivalu, a američku na Međunarodnom filmskom festivalu u Torontu. Nakon toga film je prikazan i na mnogim međunarodnim filmskim festivalima i osvajao nagrade. Jednu od zapaženih uloga u filmu igra i najbolja mostarska glumica Jelena Kordić Kuret, koja se upravo vratila iz **Brčkog gdje** je na Kazališnim susretima dobila nagradu za najbolju žensku ulogu u predstavi "Identitluk".

U igranom filmu "Quo Vadis, Aida?" utjelovili ste Čamilu Omanović. Koliko ste zadovoljni ostvarenim ulogom i općenito filmom koji govori o genocidu u Srebrenici?

Primarno osjećanje koje imam kad je ovaj film u pitanju je zahvalnost. Zahvalnost što sam dobila priliku biti dio ekipe važnog povijesnog zapisa, koje je ostvareno kroz veliko umjetničko djelo. Sama ta činjenica dovoljna mi je da budem više nego zadovoljna ostvarenim. Svi moji kolege i ja pristupili smo našim ulogama s ogromnim poštovanjem i poniznošću. To je očigledno i u samom filmu. Svako glumačko ostvarenje djeluje tako autentično da je nemoguće ne poistovjetiti se s tim ljudima i to je jedan od razloga zašto je film jako potresan.

Film je u velikoj mjeri doživio pozitivne kritike, osvojio je i neke nagrade. Kakvu poruku nosi?

Da se ovakve stvari ne smiju zaboraviti, ali ne da bi se upiralo prstom u nekoga ili generaliziralo, već da se ne bi ponovilo. A to je jedino moguće ako se stvari prestanu negirati i preuzmu odgovornosti.

Počinjete i regionalna online distribucija. Kako će ga primiti publika u susjednim državama, što očekujete?

Voljela bih da publika u susjednim državama primi film onako kako je primljen i kod nas. Vjerujem da će tako i biti jer nemoguće je, po mom mišljenju, da vas film ne dotakne na razini ljudskih priča, sudbina, nečega što se događalo u vašoj neposrednoj blizini, a čega, možda, niste bili ni svjesni. Film



je, sigurno, snažno sredstvo preko kojeg možete razviti empatiju prema drugom ljudskom biću. On, prije svega, treba doprijeti do pojedinca jer od pojedinca sve i kreće. I dobro i zlo.

Snimanje se odvijalo na području Hercegovine, Stocu i Mostaru, uz veliki broj statista. Je li bilo zahtjevno?

Rad na filmu uvijek je zahtjevan, čak i kad radite kratki film od 10 minuta s malim brojem ljudi i tehnički jednostavnim scenama. Možete onda samo pretpostaviti koliko je zahtjevno napraviti ovakav film s ogromnim brojem glumaca, statista, ekipe iza kamere, tehnički prezahtjevnih scena, različitih jezika u komunikaciji i još na sve to nehumanih vremenskih uvjeta. No, ljudi koji su bili iza kamere, asistenti, bili su ključni u tome da mi ispred kamere budemo usredotočeni samo na zadatak. Nažalost, ali njihov rad ostaje neprimijećen u javnosti, ali da nije bilo njih da nam olakšaju takve uvjete, to bi se itekako osjetilo i na filmu. Zato želim istaknuti važnost svakog člana ekipe jer sve do jedana kotatić u mehanizmu je jednako bitan.

Film "Quo Vadis, Aida?" nominiran je u ime BiH kao kandidat za Oscara. Kakva su vam očekivanja?

vanja? Hoće li svijet htjeti i moći razumjeti ovu našu tužnu ratnu priču?

Kad bih film počela secirati po segmentima, od režije, montaže, glume, kamere, kostima, šminke... ne bih mu mogla dlake dodati ili oduzeti i kao takav mislim da je vrijedan svake nagrade, pa čak i čuvenog Oscara. Ovaj film već je ispunio sva moja očekivanja. A sve drugo dobro što se može dogoditi samo je bonus.

Osim uloga na filmu, u javnosti ste poznati i kao izvrsna kazališna glumica, a u posljednje vrijeme i redateljica. Profesionalno ste angažirani u Hrvatskom narodnom kazalištu Mostar, koji je doživio veliki uzlet, no, pandemija koronavirusa sve nas je nekako prizemljila. Kakva je trenutna situacija u HNK Mostar?

Radimo. U mnogo manjem obujmu nego prije pandemije jer se moramo pridržavati svih propisanih mjera, što podrazumijeva da mnoge predstave koje imamo na repertoaru ne možemo sad igrati. Tako da se snalazimo onim što imamo. Još kad vidite polupraznu dvoranu, sve zajedno na nas djeluje prilično frustrirajuće. No, tako je kako je. Raditi moramo, ali isto tako moramo poštovati odluke medicinske struke, ako želimo da

ovo čim prije završi, a vjerujem da nam je to svima u interesu. Nema ništa od kukanja, već tu energiju moramo usmjeriti u pronalasku rješenja prilagodbe trenutnoj situaciji koja će što manje ići na štetu našoj kreativnosti i produktivnosti.

Aktualna je predstava "Identitluk", koja govori o našim etničkim i vjerskim antagonizmima. Koliko je ona važna za naše društvo u ovo vrijeme podjela u kojem živimo?

Pitanje identiteta je tema koja je uvijek goruća u našem društvu. Predstavom "Identitluk" pokušavamo predstaviti ljude različitih etničkih skupina i kroz njihovo shvaćanje identiteta pokušavamo dovesti do apsurdna sve ono čime se naše društvo opterećuje. Mislim da je predstava važna jer kad ste u poziciji publike, a ne aktera, onda možete puno objektivnije procijeniti ono čime se bavimo i vidjeti sa strane kao "treće oko" u kojoj mjeri smo zastranili.

Igrali ste u svim važnijim predstavama HNK-a. Koja vam je uloga najdraža i zbog čega?

Svaka uloga koju sam igrala ili koju igram nečemu me je naučila, tako da nikad ne bih mogla praviti tu vrstu izbora. Sve uloge su mi jednako važne jer su to nečije sudbine i veliko poštovanje imam prema tome.

HNK Mostar otvoren je za koprodukcije, uradili ste nekoliko nagrađivanih predstava u suradnji s NP Mostar, a surađivali ste i s BNP Zenica. Koliko su za glumce i kazalištarce važne te zajedničke predstave?

Koprodukcije danas ne samo da su važne, one su i neminovne. Ako jedna kazališna kuća želi uraditi produkcijski ozbiljniji projekt, vrlo teško to može iznijeti sama. Također, uvijek me raduje suradnja s kolegama iz drugih kuća. Mislim da je razmjena tih energija zdrava za svaki ansambl. S druge strane,

Ovaj film već je ispunio sva moja očekivanja, a sve drugo je samo bonus

Mostar osjećam kao svoj grad i prihvaćam ga sa svim njegovim manama i vrlinama

to vam uskraćuje mogućnost honorarnih poslova, tako da sve ima svoje i za i protiv.

Kako HNK Mostar stoji s ansamblom, nedostaje li vam mladih glumaca i kako riješiti taj problem?

HNK-u nedostaje i glumaca i tehnike. Zbog manjka istih ne možemo se ostvariti, u repertoarnom smislu, onako kako bismo htjeli. Ideja ne nedostaje, ali ograničeni smo resursima. Samo snagom dobre volje i posvećenosti ovom poslu uspijevamo kuću održati na razini onih kuća čiji su infrastrukturni kapaciteti daleko ispred naših i o čemu trenutno možemo samo sanjati. Riješiti taj problem možemo jedino ulaganjem u kulturu, a to nećemo moći ostvariti sve dok ne shvatimo da je kultura odraz društva. Predstoje nam lokalni izbori i voljela bih doživjeti te promjene. Raduje me činjenica da su se na izborima pojavila pametna lica kulturnjaka i umjetnika koji itekako razumijevaju njezin značaj, ali je sad do nas da omogućimo dovoljnom broju takvih ljudi ulazak u Gradsko vijeće jer će oni raditi u interesu svih ljudi u Mostaru. O tome govore ne njihove lijepe oči nego vrlo jasni programi.

Iako ste rođena Sarajka, životni put odveo vas je na jug, u Mostar, gdje živite i radite. Nedostaje li vam Sarajevo i kako vam je u Mostaru?

Nedostaju mi prijatelji koji nisu uz mene fizički, ali, isto tako, raduju me prijatelji koji su ovdje. A o tome kako mi je u Mostaru, malo mi je smiješno govoriti jer sam već, praktički, pola života tu i nemam taj osjećaj došljaka. Mostar osjećam kao svoj grad i prihvaćam ga sa svim njegovim manama i vrlinama.

Koja vam je u životu ideja vodilja?

Ovo bi bila idealna prilika da prepisem jednu od gomile izreka, životnih mota kojima se ljudi svakodnevno razbacuju po društvenim mrežama. Divno zvuče na papiru, ali bojim se da svijet ipak malo drugačije funkcionira. Svi možemo izdržati i na sat ili dva predstaviti se bolji nego što jesmo. A gdje nestanu ta gesla kad život pred vas stavi ozbiljno iskušenje? Onda te prekrasne misli postanu samo jednostavno proširene rečenice koje ne djeluju u praksi baš najbolje. Svaki dan je drugačiji, svaki dan je novi izazov, živimo u preludom vremenu i što god vas to jutro pokrene da budete u redu sa sobom i da budete u redu prema drugima, to je onda učinkovita vodilja, makar funkcionirala samo taj dan. Sutra ćete nešto drugo smisliti.

Planovi za budućnost, spremate li novu predstavu, imate li ponudu za ulogu na filmu?

Počeli smo s pripremama nove predstave "Ja od jutra nisam stao" Une Vizek, u režiji Dražena Krešića. Dramaturguji radi Davor Bevan, ekipa mladih glumaca iz HNK i pridruženi član glumcima, karizmatični Mario Knezović. Ekipa je odlična, redateljski koncept vrlo uzbudljiv, tako da me jako raduje proces. To je trenutno. A planovi za budućnost? Ako sam ih i imala, sad mi zvuče kao znanstvena fantastika.